

ДЕЛОВОЙСТА ЙОТАФТОМС КОМСОМОЛЬСКИЙ АКТИВОНЬ СОБРАНИЯТНЕНЬ

„Комсомольский актив мархта работать цебарьгофтоманц и комсомольский аппарат перестройканц колга“ ВЛКСМ-нь ЦК-ть XI-це пленумонц постановлениац и тяка жа кизефкснен колга ВЛКСМ-нь ЦК-ть секретаренц Н. А. Михайлов ялгать докладоц комсомольский организациятненди лездыхть союзной работаса уликс аф сатыкснен куроконь пингста большевикс мошфтомаснонды.

Ленинско-сталинский комсомолть эряфса нят огромный важностень документтне налхкихть пяк оцю роль. Синь комсомолть эрь шинь кипучай деятельностьс сувафтыхть тьожяты од активист. Эрь комсомолецти и комсомолкати панчсевичхть идейно-политический касомань, колхозса, совхозса, МТС-са, учрежденияса, практический работаса, комсомолть активнай эряфса, большевистский закалкань огромный перспективат.

Тяни ВЛКСМ-нь сембе организациятнен эса йотафтовихть районнай и городской комсомольский активонь собрания, конат посвященнайхть ВЛКСМ-нь ЦК-ть XI-це пленумонц решениязон обсуждениянонды.

Комсомольский активонь собрания—тя эрь комсомольский организация эряфса пяк оцю политический события, ибо сон комсомольский активти ащи большевистский воспитаниянь школак. Тяса азонкшневихть партия и правительствать важнейшей решениясна, обсуждадакшневи хть комсомольский организация деятельностьс сембе кизефксне.

Комсомольский активонь районнай и городской собраниятне должет йотамс оцю идейно-политический и деловой уровень, ВЛКСМ-нь ЦК-ть пленумонц решениязон полной соответствия.

Пяк важна, штоба активонь собрания эрь ялгась саль ВЛКСМ-нь ЦК-ть решениязон мархта знакомайста, крхкаста арьсемок эсь организациясост положения. Тя обеспечендасы докладтнен коряс выступлениац деловой характерсон, полнайста машфтсы аф эрявикс парадностть и шумихать.

Тяни задачас ащи сян эса, штоба районнай и городской активонь нят собраниятне эсь эздот няфтельхть организованностень и дисциплина пример, штоба собрания эрь участникс получаль возможность азомс эсь мялензон, опытоц и предложениац.

Комсомольский организациятнен задачасна ащи сян эса, штоба комсомолецтненди и од ломаттненди эрь шиня азонкшнемс ВЛКСМ-нь ЦК-ть XI-це пленумонц решениязон сочетандамок синь практиксийа пашкодемаснон эрь организациять, ВЛКСМ-нь эрь членть мархта.

Тяса пяк оцю рольсна активисттнен. Синь обязатт возглавить комсомолецтнен и од ломаттнен инициативаснон, кона направлень комсомолть государственнай, хозяйственной и общественно-политический деятельностьс од подомонцы.



СНИМКАС: Панио, кона тийф Саранский пионеронь кудть вышивальнай кружоконц участникзон мархта.

Фотось Ивенинтъ.

Аделавсь идень творчествань республиканский олимпиадась

Исяк, июль 12-це шистонза, аделазе эсь работанц идень творчествань республиканский олимпиадась. Заключительнай концерта, коса примасть участия лама школат, лац няфтезь заключительнай номерост эсь талантсон и дорованияснон.

Журить решенияц коряс вассенце вастсь присуждается Саранский школатнен коллективсонды. Омбоце вастсь максф Ичалковский районти, колмоце вастсь—Рузаевка ошень школатнен коллективсонды.

Кода йотафнесайнек наникулатнен

Успешнайста аделамок тонафнем кизоть, мон и мон пионер ялгане эсь инголенок путеазада—каникулатнен йотафтомс культурнайста ваймосезь и производительнайста работа.

Минь эсь ингольнок путф задавать пашкоткшнесась пяк точнайста: аккуратна налхконтама чущкаса эрь шиня якатама паксаясь соронь кочкома. Тяса обеденнай

перерывнен пингста эрь шиня якатама ляйти эшляма.

А илять, работать аделамда меле, куду молема, минь тонафнетяма разнай морх, конагнен эрь шиня морсесась.

Шинь тяфтама порядкать эзда мон и мон пионер ялгане иляткшнетяма пяк довольнайста.

Алексей Икомасов.

Сире Кангуш веле, Ельниковань район.

Сембонь колга аф латнянь

Анок васьфтемс инжихнен

Саранск ошса аф кунара аделаф 15-це № школат строямац, валда, просторнай классне анокт васьфтемс эсь школьниксон.

Успешнай ремонт

Саранск ошень Педагогический училищась успешнайста аноклай од тонафнема кизоти. Маластонь шитнен ули аделаф учебнай корпус ремонтонц.

Тяфтажа лац ащи тевсь Сире Шайговань средней школы (директорс Васкин ялгась). Тяса пцтай аделаф школат ремонтонц.

250 тьожань учитель заочник

РСФСР-нь Наркомпросонь университетонь, институтонь, училищань заочнай отделениятнен эса тонафни 250-шка ломань. Тяни синь пуромсть экзаменационнай летний сессия, конат молихть 30 ши.

Московский государственный педагогический институт сась колма тьожянда лама заочник, тяка лувксса 463 выпускник.

Сембоц тя кизоть РСФСР-са заочнай отделения аделасазь 54 тьожань ломань.



Фрунзе ошть маласа лагерьса.
СНИМКАС: комсомолкатне-физкультурницатне (кержи ширде види шири) К. Карьягиновась, Ю. Кутиловась и К. Бойкось.
(Фото-клишес ТАСС-ть).

Займати подпискась

САРАНСК

Июль 12-це шинц самс Саранск ошень трудяйхне макссть пандомда государствати 4.095 тьожяты цалковай, или 1.189 тьожань цалковайда сяда лама йотай кизоть коряс.

РУЗАЕВКА

Рузаевка ошть трудяйхназа подписались од займати 2.064 тьожань, или 288 тьожянда сяда лама йотай кизоть коряс.

КРАСНОСЛОБОДСК

Краснослободский райононь рабочайхнен, колхозникнен и служащайхнен подпискасна выражається 484 тьожань цалковай. Синь макссть государствати тя кизоня 160 тьожань цалковайда лама йотай кизоть коряс.

ИНСАР

Инсаронь районть трудяйхназа подписаснон пачфтезь 500 тьожань цалковайс. Колхозникне тя кизоня макссть 148 тьожань цалковай, или 54 тьожянда сяда лама йотай кизоть коряс.

Карело-Финский ССР-ть Верховнай Советонц Сессияц эсь работанц аделазе

Карело-Финский ССР-ть Верховнай Советонц васенце Сессияц, конац молись 3 шит (июль 8-це шистонза сямомок 11-це шинцы молема), эсь работанц аделазе.

Карело-Финский ССР-ть Конституциянь Проектонц колга яркай и содержательнай доклад мархта выступил Куусинен ялгась. Сонь мархтовза предложеннай Проектс депутаттнен ширде васьфтсь единодушнай одобрения. Конституциянь Проектт коряс голосованиясь йотафть башка статьяс коря и примаф единоголасна.

Тяда меле Сессиясь обсудинась и примаф Карело-Финский ССР-нь трудяй депутатонь местнай Советтненди кочкаматнен колга Положения и Карело-Финский ССР-ть и РСФСР-ть йоткса границань ладямать колга закон.

Депутатс Башкуров ялгась бурнай аплодисмент ала заявил сян колга, што Республикань Верховнай Совету васенце депутатс карело-финский народс кочказе великай Сталинт и сонь маластонь соратниконзон.

Сессиясь кочкась Карело-Финский ССР-нь Верховнай Советонь Президиум во главе председателть Куусинен О. В. ялгать мархта.

Сессиясь мекольден заседаниясонза кемокстась республикань правительствань од состав—Карело-Финский ССР-нь Народнай Комиссаронь Совет.

Карело-Финский ССР-нь Совнаркомти председателтьс кемокстаф Прокконен П. С. ялгась.

(ТАСС).



СНИМКАСА. 3.-Полянскій средній школяць народнай інструментонь оркестрац.
Фотось Івєнінтъ.

Я. Пинясав.

Атяньке Мичурин

Минь атяньке Мичурин—
Великай садовод.
Сонь тевоц питни—од
И вечна питни ули.
Хоть ёмлатама нинге,
Но таргасамазь мяльсь,
Штоба цёфксясь-мази кяльсь
Мораль лама пинге.
Садсонок пяк пара,
Якстерьгодохть марехть,
И золот пизепт сайхть,
И маковой зарятне
Минь садозонок прайхть.
Штоба кельгом инжись Сталин
Марьголь: „Молодецт!
Кундаде цебарь тевс
И тиендеда стане“.

Марлюня

Панжи, кода акша лов
Марлюнязе садса.
Саду озафтыне мон
Сяс и сонь аф кадса:
Свежай ведьса валса юронц,
Кочкса-тялхть уль тишет,
А мзярда даволхт уронць—
Перьфкаст шитат тифтольхть.
Мон эсь марлюнязень келькса,
Ару ведьса валса.
Шиськя марлюнязень вельхкса
Пизи сиянь валдса.
Тяза лама пачи марь—
Бокоясна мазихть...
Тундань сетьме шовдавать
Цёфксясь моронц азы.

1940 к.

Кода минь перестраиваем эсь работаньконь

ВЛКСМ-нь ЦК-ть XI-це плену-
монц решениянза оцю активностъ
са обсуждались и обсуждаются
Чамзинский районь первичнай
комсомольский организациятнень
эса. Комсомолецне эсь собрания-
сост единодушна одобряют пле-
нумть решениянзон и сонь коря-
зонза лихнесазь лангть эсь работа-
сост аф сатыкснень. Комсомоль-
ский собраниятнень эса кемоста
критиковали ВЛКСМ-нь райкомть
и сонь ингольден секретарец
Архипов ялгать. Што райкомсь и
сонь ингольден секретарец Архи-
повсь работась концелярско-бю-
рократический методса. Райкомонь
работникне 4—5-нь ков афольхть
яка первичнай организациятненьди,
а корхнекшность первичнай орга-
низациян секретарьхнень мархта
аньцек телефон и директива
вельде. Тянь сюнеда райкомонь
работникне афолезь сода мезе ти-
ендєсь первичнай организацият-
нень эса. Мокша Лай велеса 5
кофт ашель комсомольский орга-
низацияса секретарь. Комсомолец-
не ровна 5 кофт ашель панда член-
ский взноснон. Райкомсь работань
эсь канцелярский методонзон сю-
неда афи содазе тя тевть, пцтай
эрь шиня кучсесь праксташка ди-
рективат первичнай организациян
секретарь лемс. Тяконь жа сю-

неда райкомть шалхковц ала
аердсть лама первичнай комсо-
мольский организацият.

Райкомса ульсь кочкаф ревизион-
най комиссия, председателсь Ав-
деев ялгась. Сонь кодак кочказь,
сяконь лангс и лоткась. Фяжовк
ревизия аф райкомти, аф первич-
най организациятненьди ашєзь ти-
ендя. Авдеевсь лувондови комсо-
мольский активистокс, но афоль
шоре сонь сьормадомс пассивть
йоткс. Сон нльне аф содасьне
ВЛКСМ-нь ЦК-ть XI-це плену-
монц решениянзон.

И вов тяни, ВЛКСМ-нь рай-
комсь кярьмодемк XI-це пле-
нумть решениянзон эряфс йотаф-
тома, кармась эсь работанц пе-
рестраивать нят вярде азф и или
аф сатыкснень машфтомань духса.
Кочкамок ингольден отделхнень
вадс комиссият, сон тяка пингть
кярьмодсь первичнай организаци-
ятнень кемокстамаснонды.

Мирошкин,

ВЛКСМ-нь Чамзинский райкомть
секретарец

Комсомольский руководящий органонь кочкамась

ВЛКСМ-нь ЦК-сь лихтсь поста-
новления, што 1940-це кизонь
сентябрь 1-це шистонза сявомок
и октябрь 1-це шинцты модемс
йотафтомс первичнай, районнай,
городской, окружной, областной,
краевой и республиканский комсо-
мольский организациятнень эса ру-
ководящий комсомольский орга-
нонь кочкамат.

Первичнай, районнай и город-
ской комсомольский организацият-
нень эса кочкаматне должетт
улемс йотаффт сентябрь васен-
це шистонза сявомок и 20-це
шинцты модемс, а комсомолонь
областной, краевой конференция-
тне и республиканский с'ездтне—
сентябрь 20-це шистонза сяво-
мок и октябрь васенце шинцты
модемс. (ТАСС).

КОЛХОЗТЬ ОПЫТНАЙ УЧАСТКА

Николаевка велень Чкаловть
лемса колхозсь эсь витцеви
участкастонза явфтсь 0,60 гек-
тар мода опытной участканди
Тя участкоть лангс колхозсь ви-
дєсь 47 сорт масляничнай культу-
ра. Нят культуратне эсь качест-
васнон коряс ламода лият тяфта-
можа сортнень эзда. Синь ка-
сыхть колхозть знатнай ломанен-
зон и огороднай звенатнень над-
зорснон ала.

Маластонь пингть колхозсь по-
лучай цебарь качества мархта
масляничнай культурань видьмот.
А. Мезьякаев.

Саранский район.

Примернай звена

Мокшень Мазканя велеса „18-це
партс'езд“ колхозса органи-
зованнайста йотась кочкома ра-
ботась. Сембе звенатне соравно-
вандась эсь йотковаст. Сембода
лац работась Тумкина ялгать зве-
нац, коса кочкихне нормаснон
пшкотькшнєзь 100—150 про-
центс, и П. Н. Маскайкина ялгать
звенац, кона суронь и пинемонь
кочкомаса норманц пшкотькшнєзе
120—170 процентс.

В. И. Миряшкин,

Ст.-Синдровский район.

Читательть замечаниянза

„Т. ШЕВЧЕНКО“ МОКШЕКС ЙОТАФТФ СБОРНИКА

1940 кизоня Мордовский госу-
дарственной издательствась нол-
дась мокшень кяльса сборник
украинский великай народнай
поэтть Тарас Григорьевич Шев-
ченкоть стихонзон эзда. Сбор-
никть эса печатлафт лирический
стихотвореният и кафта поэмат,
конат характернайхть поэтть—
революционерть творчестванцты.

Тя пингс мокшень кяльса
Т. Шевченкоть ашель фкавок
произведенияц. Тя книганьт нол-
дамац Мордовский культурат эса
ащи оцю достижениякс. Сон зна-
комондакшнесь мокшень чита-
тельть великай поэтть—револю-
ционерть творчестванц мархта.

Сявсаськ Шевченкоть тяфтама
стихотворениянц—„Мес тейнь тяф-
та стака?“, кона печатлафт 6-це
страницаса. Тя стихотвореният
йотафтозе Я. Пинясовсь. Йотафтф
мокшекс пяк калдывста, небреж-
на. Переводчиксь переводть ланг-

са работась пяк кржа. Сон стихо-
твореният эзда тисъ „коське“ про-
за, и имафтозень художественнай
достоинстванзон.

„Ломаттне срафтодязь. Катк
эстейст ломаттне, йоньфтемонт синь!
Седи, конить сельмотнень“.

Кие шарьхкодсь, мезенкса пе-
реводчиксь сьермадозень тяфтама
валхнень: „Катк эстейст ломат-
тне“, и аделаф предложениясь,
а Шевченкоть рузонь текстса
азф:

„Открыто, разбито... А злой
че ловек
Пускай сатанеет... закрой,
сердце, очи!..“

Тяста няеви, што переводчиксь
смысланц мокшекс ашєзе няфта и
читательти аф шарьхкодеви.

Или сявсаськ А. Карасевть пе-
реводонзон эзда „Ой, мон вар-
жакстан и кельксян“ стихотворе-
нияц:

„Ой, мон варжакстан и кельксян
Тона степть и паксать;
Может тейне сиредєзьге
Воля шкайнясь максъ?“

Нят переводнай строкатнень
мархта переводчиксь тии проти-
воречия Т. Шевченкоть мархта.
Ружкс сьорматф:

„Ой, гляну я, погляну я,
Да на степь, на поле;
Не пошлет ли мне всевышний
Хоть на старость воли?“

Тяста любой читательсь, кона
знакомай Шевченкоть произведе-
ниянзон мархта, найсы, што пе-
реводчиксь строкатнень эса кола-
зе смысль.

Или сявсаськ тяка переводчикть
переводонц: „Кода мази Катери-
нать“ то тя переводть лангса сон
работась пяк калдывста, тяса ко-
лаф шевченковский размерсь и
лама вастова апак рифмовандак,
и нинге тяда башка тапаряф смы-
лась:

„Ульсь фкясь Семен Босый,
Иван Голый омбоцесь,
Иван цьорась вдовойть,
Ярошенко колмоцесь“,

Тяста читательсь, кона аф зна-
комай Шевченкоть тя стихотво-
рениянц мархта, шарьхкодсь,

што Иван Голыйсь вдвойнь цера,
а сон лисенди лиякс, кда ванат
рузонь текстти: аф Голый вдвойнь
церась, а Ярошенко.

Но башка эряви азомс А. Че-
кашкинтъ и Г. Пьянзинть пере-
водснон колга, конат йотаффт
художественнайста и шарьхкоде-
виста.

Но эряви азомс достоинствада
башка Пьянзинть переводса „Ка-
терина“ поэмаса улихть и кой-
кодама аф сатыкст, а именна кой-
кона куплеттнень эса „думась“
валсь рифмовандаф „комась“ валть
мархта. А кода содаф „комась“
и „думась“ валхне аф рифмован-
дакшневихть сяс, мес „комась“—
валса ударениясь—васенце слогса,
„думась“ валса—мельден слогса.

Сембода ламоц произведеният-
не йотаффтф мокшекс цебарьста
и, конешна, минь, мокшень чита-
тельхне, надиятама, што Морд-
гизсь тя сборниконяц сяда мель-
ден изданиясонза ня аф сатыкс-
нень петьсьне. А. Малькин.

Ответ. редакторъ заместителец
И. ЧУДАЙНИН.